



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Quæstio 18. An sacerdos Regularis manifestè idoneus, cui Approbatio ab
Ordinario injustè negatur; possit validè in illius diœcesi confessiones
excipere.

urn:nbn:de:hbz:466:1-40873

n.8. Lugo disp. 2. n.29. ubi adducit decretum Urbani VIII. Et Diana part. 10. tract. 13. resol. 23. ubi recenset Breve Innocentii X. in causa Angropolitana novæ Hispaniæ, impressum Romæ anno 1648. in quo ad dubium nonum, negat Regularibus illam potestatem competere si ne approbatione Episcopi diocesani, cum clausula irritante privilegia in contrarium.

Docent tamen non pauci, Regularem in una dioecesi approbatum posse ubi confessiones excipere, ut Leander de Murcia in cap. 6. Regulæ S. Francisci q. 8. Corduba, Præpositus, Colofus, quos refert Diana p. 6. tr. 7. resol. 59. Bauni i. p. tract. 4. q. 4. & Bruno Chassaing. de privil. Regularium tract. 5. c. 11. prop. 2. Sed ab his plenique jam & meritò recedunt.

QUÆSTIO XVIII.

An Sacerdos Regularis manifestè idoneus, cui approbatio ab Ordinario injustè negatur, possit validè in illius dioecesi confessiones excipere.

N Egativè resolvo ut infra part. 3. tract. 2. cap. 2. Quia negatio approbationis non est approbatio, quam Tridentinum expressè requirit. Et ita docet Suarez, Vasquez, Filiucius, Coninck, Mendo, Dicastilio, Lugo, de pænit. disp. 21. sect. 2. n. 53. & plures apud Dianam p. 8. tract. 1. resol. 85. Quia Tridentinum sess. 23. cap. 15. videtur derogare cuilibet juri antiquo, & privilegiis Regularium, dum asserit. Nullum Regulari absque Episcopi approbatione posse confessiones fæclariorum deinceps excipere, non obstantibus quibuscumque privilegiis.

F 5

Pro

Pro parte affirmativa stant Theologi non pauci, nec authoritatis exiguae, quos sequitur Chafsaing de privil. Regul. tract. 5. cap. 11. & in eandem sententiam tam ille, quam alii adducunt Rodericum, Peirinum, Portel, Layman, Fagundez, Villalobos, Zanardum, Finellum, Cochier, Mirandum, Graffis, Angelum, & plures alios citat & sequitur Leander disp. 11. quæst. 83. Et hoc privilegium vigere post Tridentinum supra citatum disertè docet Navarrus in Manuali c. 27. n. 264. & alii moderni quos refert & sequitur Castropalao hic punct. 18. §. 3. num. 9. Cum his sentit Henriquez assertens hanc sententiam sustineri à Doctoribus Salmanicensibus, & Complutensis, & in Academia Parisiensi fuisse publicè propugnatam, & à Congregatione Cardinallium declaratam. Pro eadem doctrina refertur etiam Diana cum quindecim Authoribus quos citat Gamachæus in tom. 3. tract. de Pænit. cap. 18. & eandem fusè tuetur Pelizarius in Respon. Reg. tom. 1. pag. 492. Fundamentum hujus resolutionis petunt primò, ex Clementina Dudum de sepiukturis. Ubi decernitur Regularem ad confessiones Ordinario debitè præsentatum admitti debere. Si verò (inquit) iidem Prælati Fratribus ad audiendas Confessiones, ut præmittitur, elec̄tis ejusmodi licentiam exhibere recusaverint. Nos ex nunc ipsis ut confessiones, sibi confiterent, volentium, liberè, licetèque audire valeant gratiosè concedimus de plenitudine potestatis Apostolicæ. Nec admittunt huic decreto derogatum esse per Conc. Tridentinum sess. 13. cap. 15. de reform. dum statuit, ut non possit Regularis audire confessiones secularium... nisi approbationem obtineat: non obstantibus privilegiis &c. Quia ut docet Navarrus in Caput. Placuit. de pænit.

pænit. Lex posterior generalis sæpe limitatur per speciale jus antiquum. Lex autem illa Tridentini potest cum dicta Clementina sic conciliari , ut patiatur hanc exceptionem,Nisi Regulari manifestè idoneo, & præsentato approbatio fuerit iustè negata. Nam hoc non est novū in administratione Sacramentorum, ut licentia petita , & non obtēta in certis casibus pro concessa habeatur, ut patet in administratione Eucharistiæ , & Extremæ unctionis in eadem Clementina. *Dudum*.Et in Extravag. *Inter cunctas*.Et ex cap. *Licet*. de Regularibus. Nec credendum videtur (inquit) mentem Concilii fuisse, frustrare Regulares suo privilegio pridem ab Ecclesia & Jure concessō: aut ita fovere passiones prælatorum ut pro libitu valeant personas manifestè idoneas à functione tam necessaria impedire,ut loquitur Peirinus de privil. Minorum. Pro quibus refert Bruno Chaffaing. supra pag. 224. speciale Indultum in Conſtit. Clementis VII. ,Ut confessores Ordinis Minorum semel præsentati alicui Episcopo pro confessionibus audiendis, (de more) post unam præsentationem non teneantur amplius præsentari, etiamſi ad aliam transierint diocesim.

Ita illi : nostram verò sententiam supra relatum, judicamus in praxi sequendam esse , præfertim post damnatam ab Alexandro VII. propositionem 13. *Satisfacit præcepto annue Confessionis*, qui confitetur Regulari Episcopo præsentato, sed ab eo iustè reprobato. Ratio enim cur hæc propositio damnetur, non videtur esse alia, quam quia talis Regularis non potest tunc validè audire Confessiones sacerdotalium , cùm Ecclesia in admissione ad similem actum non excipiat tempus Paschale , de quo infra quæſt. 24.